

C V D

A I G G

1 6 0 4


D. 4. 58

~~oo hi~~

oo sp

Gal.
~~N. 3 248 X~~ ^{1/2}





Citatio

Auff die Acht & Mandatum' de
restituendo cum : & amplius non offen-
dendo sine clausula.


In sachen

Der Graefen /

Ritterschafft / Städte / als semp-
lichen beleidigten Landstenden / Auch
Bawerschafften vnd anderer beschedigten Per-
sonen des Herzogthums Braunschweig
Wolffenbüttelschen theils.

Contra

Die Landtsfriedtbrecherische Re-
bellische Stadt Braunschweig vnd
Consorten.



Gedruckt zu Halberstadt / durch Ge-
org Koten / Anno 1603.





Wir Rudolff der ander, von Gottes gnaden, Erwehltter Römischer Keyser, zu allen zeiten / Erbtzer des Reichs, in Germania, zu Hungern, Bohaimb, Dalmatien, Croaticen und Slavonien etc. König, Erbtzherzog zu Osterreich, Herzog zu Burgund, Steyer, Kärnten, Crain und Württemberg etc. Grave zu Tyrol etc. Erbietten den Ehrsamem unsern und des Reichs lieben Getrewen N. Bürgermeyster / Rath / Schultheysern / Hauptleuten / Krieges Rath, Bürger und ganzer gemein der Stadt Braunschweig, unser gnade und alles guts, Ehrsame liebe Getrewen / Unserm Keyserlichen Cammergericht haben unsere und des Reichs auch liebe getrewe / Praelaten / Ritterschafft / Städte / als sempeltliche beleidigte Landstende, auch Bawerschafft, und andere beschädigte Personen des Herzogthumbs Braunschweigs, Wolfenbüttelschen theils / wieder euch Supplicierende und klagende zuerkennen geben, welcher massen ir nicht allein den Göttlichen / Geistl: und Weltlichen geschriebenen gemeinen Rechten, unsern und des heiligen Römischen Reichs abschiedt / ordnungen und saktionen / Insonderheit aber dem hochverpöntem / heilsamen / hochnothdürfftigen Prophean und Landfrieden / sondern auch aller Vernunft / Christlicher liebe / und Menschlicher Natur genullich / und e diametro zuwieder / ganz und gar / ohne alle rechtmessige / ja auch die geringste gegebene ursach / alleinig zu hochkrefftlichem trug und despect obgesanter ernstler Gebot und verbot / auch aus langgefassetem heimlichen / verdunckeltem haß / neid / verstockter boßhafter friedheffigkeit / und lauterem vorsak / muhtwillen / und dolo malo, die nechstverschiedene sechs hundert / vñ sechs hundert zweyt Jar / eine grosse anzal vermeinter Kriegsleute /



leute / zu Ross vnd Fuß / vnd vnter solchen viel Nanenfedern
oder Freybeuter / sondern vltz / ohne alle vnser / vnd des heil-
gen Reichs erlaubung / auff ganz feindselige / weit aussehende
offenstiff bestallung / worden / in Soldt / dienst vnd pflicht
angenommen / auch aus mittel ewer Burgerschaft / etliche son-
derbare Schulein / vnd dann auch den mitbeklagten vermeinten
Kriegs Rahe auffgeworffen / solche wieder altes herbringen
vnd gewonheit / mit sonderbarem Eide etc. zum Schulein vnd
Rahe verbunden / Darauff durch vnd beneben solcher feindseliger
vnd unrechtmessiger Kriegsmacht / mit grosser Schaar
vnd Heereskrafft / mit fliegenden Fahnen / Trommeln / Pfeiffen
vnd öffentlichem Feldgeschrey / mit Geworbenem Keyßigem
Reug / vnd grosser menge Fußvolck / alle semplich mit Har-
nisch / Wuscheten / Haken / Spießen / Helleparten / vñ andern
feindseligen Wehren / auch grobem Geschütze / Sturmleitern /
Bienen / Axten / Beulen / Schaufeln / Spaden / Schuppen /
Kustwagen / vnd andern bereitshafft / zu feindlichem / gewalt-
thetigem angriff wol bewaffnet vnd versehen / zu viel vnter-
schiedlich malen / bey eiteler Nacht / angehend vnd hellem Ta-
ge / ewre vnschuldige benachbarte Städte / Clöster / Flecken /
Dörffer / gefreyte Adelige vnd andere Schlöß / vnd Höffkir-
chen / Mühlen / Heuser vnd Freyheiten / welche auch die Tage
fres lebens weder mit worten noch wercken im geringsten nicht
beleidiget / noch jemals in vngutem / has oder zant / mit euch
das geringste zuehun gehabt / also nicht allein solches grossen
vnbilligen gewalts vnd vberfalls sich zu euch im wenigsten
nicht / sondern viel mehrers / als eines Landes Fürsten Wnter-
thanen / vnd also gleichsam eines Leibes Glieder / vnd nebeste
angeseffene benachbarte / von denen auch der Stadt vltzfalli-
ger nutz / nahrung vnd fortheil zugebracht / aller hülff / trost
vnd freundschaft versehen gehabt / also / ohne alle vorgehin-

ke absage / oder bephadung / ganz heimlich / verheterisch / Wedra-
derisch / Reuberisch / Landfriedbrüchischer weise / ohnversehens /
vhrplötzlich / vnd in specte Anno sechszechen hundert / den drit-
ten / funff / sechs vnd siebenden vnd zwanzigsten Aprilis / wie
auch den sieben vñ neunden Maii / dz dorff Glishmeroda / so mit
klagendem Abt zu Kiddagehausen zustendig / vnd dann den
ersten besagts Monats Maii / das Ampt Aich / vnd Friederich-
chen von Borsfeldt / Adelichen Sie vnd Mühlen zu Watten-
büttel. Folgende dz sechshundert vnd zwente Yare / bey welchs
anfang jr Bürgemeister vnd Rath / gang arglistig / vnd ewer
vorgenommene Landfriedbrüchige Thaten dadurch desto bes-
ser zu verhalten / den Fürstlichen Rechten eine gütliche vaterre-
dung anbieten lassen / den dreyzehenden Februaris das Dorff
Melveroda / den drey vnd zwanzigsten desselbigen nach Lide-
bach / den zehen / eilfften / funffzechen / sechszechen / achzehenden /
zweyen / sechs / sieben / acht vnd neun vnd zwanzigsten Martij
das Schloß / Vorwerck vnd Dorff Wendthausen / Folgende
den vierzehenden Aprilis nach Wendeburgk vnd Wendezell /
den drey vnd zwanzigsten hernacher das Dorff vnd Wögte
Wettmar / Sontages den vierzehenden Maii in die Stadt
Scheppenkede / vnd in hin vnd hero ziehen in die Flecken vnd
Dörffer / Euenfen / Banfleben / Wererling / Sichte / Höhem
vnd Kübling / den ein vnd zwanzigsten Maii / das Fürstliche
Haus Bardorff / so fünff Meil weges von der Stadt gelegen /
desgleichen die Dörffer desselbigen Ampts / als Wolckmerff-
dorff vnd grossen Siebbeck / das Closter Marienthal / vnd
desgleichen gehörige Dörffer / als Querenhorst / Wankle vnd
Grafleben / dz Bischöff. Halb. Haus vnd Flecken Weverling
vnd Dorff Dohren / den sieben vñ zanzigsten ermelte Monats
das Jungfrauen Closter Etedenburg / vnd die Dorff Leifferde /
grossen Stockheim / Lide / Lidebach / Prutte / Dimmelsen-
Zimmen

Jimmendorff, Stiddien vnd Seitel/ Den dritten Junij/ von
den Dörffern Höben vnd Ober Stelte/ auch zu Wendeburg/
vnd bey Salkthalein/ auch aus dem Dorff Ahlen/ den nechst
folgenden Tag aller nechst vor der Besetzung das Borwerck/
vnd den vierzehenden hernacher abermals daselbsten mit voller
Schlachtordnung/ vngesachtet das erstemahl die junge Landts-
Fürstin auff die letzte zeit schwanger gangen/ auch die folgende
Nacht darauff mit einem jungen Landts Erben/ durch sonder-
bare gnade Gottes beraheten/ vnd das andermahl der junge
Erbe noch vngetaufft/ ermeltte Herzogin im Kindbet/ dero Ge-
mahl/ der Landes Fürst aus dem Lande/ vnd die alte Herzogin
der zeit mit sehr schwerer tödlicher krankheit behafft gewesen/
vñ sonsten zu vnterschiedlichen malen zu Kottheimb/ den nechst
folgenden achtehenden tag/ ermeltts Monats/ in dz Amt vnd
Schloß Lichtenberg/ die Dörffer Osterlinde/ Lesse/ Nledern vnd
obern Freden/ Herte/ Keppener/ Barbiche/ Bruchmacher-
sen/ Levenstedt/ Egelstedt/ Hallendorff/ Salder/ hohen Al-
sel vnd Brostedt/ so alle im gedachten Amt Lichtenberg/ vnd vñ
ber zwo Meilen von Braunschweig abgelegen/ wie auch eslich
Wolffenbättelische Dorff/ als Bleckenstedt/ Sahstedt/ Ben-
stedt/ Sawi vnd Weddi/ Dorein vnd zwanzigsten besagtes
Monats Junij drittemahles für die Fürstliche Besetzung mit
voller Schlachtordnung/ vnd groben Geschütze/ ganz vnges-
acht ermeltter Herzogin ewer Landts Fürstin damahligen ge-
fährlichen zustande/ vnd im zuriß ziehen abermahls in die
Dörffer Cabelstockheimb vnd Leiffersda/ vnd folgende Nacht
in Hausen Lawi Adelichen Sitz/ vnd ob wol im mittelst/ vn-
ser Kays. Commissarius vnd Heroldt euch beklagter auffvür-
schen Stadt Braunschweig/ vnd euch oberzelten beklagten ein
Mandatum Avocatorium, darinnen euch bey straff vnser vnd
des heiligen Reichs Acht/ vnd aber Acht/ ernstlich geboten/ vñ

W. III.

auff.

aufferleget / von allen solchen Landfriedbrüchigen thaten vnd
vornemen vnverzäglich abzustehen / vnd die Kriegeres macht a-
bezuhschaffen / insinuire vnd verklünden / So sein jr doch vnger-
acht immer foregefahren / vnd den neunzehenden / auch acht
darauff folgende Tage Julij abermals nach Wendthausen /
vnd im mittelst des Closters Kildageßhausen / Dörffer Blies-
meroda / Querenheim / Nirnhoff / hohen Lohé vnd andere / wie
auch etliche wenig Tage ; zuvor Mischroda vnd Wänchschep-
penstedt / grausamer / vnmenschlicher / Barbarischer tyranney /
vnd Raubertlicher vnacht nach / vberfallen / beraubet / geplün-
dert / Landfriedbrüchig / vnd feindsellicher weise vergewaltigt /
die Felder / Weyden / Hölzungen / besetzt / vnd fast reife
Früchten / freys Keyserliche gebähnte Landstrassen / Schläge /
Lemme vnd Teiche / neben obangezognen vielen unterschied-
lichen Fürstlichen Heusern / Clöstern / Adeltichen Sitten / Städ-
te / Flecken / Dörffer / Pfarhöfen / Kirchhöfen / auch etliche
Kirchen / Mühlen / vnd vnzeltbare viel Höfe / Heuser / Schew-
ren vnd Stelle / ja auch der armen Leute Claufelein jemerlich
vnd elendiglich / auch theils bis auff den boden verherget / ver-
derbet / niedgerissen / zerschlagen / durchbrochen / zerstört / teils
ganz aus dem Fundament umbgeworffen / vernichtiget / vnd
in grunde abgebrandt / die Glassenster vnd Kachelöfen / Thü-
ren / Läden / Boden / Kuckwende / Stiegen / Pforten vnd einge-
bewde ganz vnd gar zerschlagen / zerrissen vnd vñ außgeworf-
fen / außgehoben / zerhackt / abgebrochen / zerspaltet / nieder ge-
rissen / verderbet / vnd zu trümmern gebracht / Auch noch zum
abzuge brennende Lunteneingelegt / dadurch grosse Feuer an-
gangen / auch do es nicht durch Gottes gnad / vnd nachsuchung
der armen Leute vorkommen / viel Menschen / vnd was sonst
noch etwan versteckt oder vberig blieben / alles verbrunnen /
vnd in grunde gangen were / Die arme / vnschuldige Leute in
sren

frey Betten, theils halb nackt in frey Schlaffkammern/
freyheit vnd Heusern/ auch auff offener Strassen/ gleichsam
ohne anzahl/ vnd darunter sehr viel Prediger/ eyßgrawe/ alte/
elende/ ganz Lame/ krancke/ stumme/ taube/ blinde/ vnversten-
dige/ Thoren/ Krüppeln/ Decretissen/ arme bettler/ junge kran-
cke/ vnd auch vngetaupte Kinderlein/ vber die maß viel Kinder-
bettlerin/ schwangere Weiber/ Frauen/ Jungfrauen vñ Weg-
delein gefangen/ gebunden/ geschlagen/ gefäpelt/ wie die Hun-
de zusamen gekoppelt/ weggeschlepft/ vnd elendiglich geschlet-
tet/ gemartert/ Daumsehrauben auffgesetzt/ gestöcket/ geblö-
cket/ in böse stinckende Gefengnis vnd schwere Bande gewor-
ffen/ vnd beschloffen/ ins Wasser vnd sonst/ Ja ganz rotten-
wets/ vnd das offte nicht einiger Mensch in Dörffern verblie-
ben/ verjaget/ gestossen/ außgehönet entblöset/ die Kleider vber
den Kopff zusamen gebunden/ vnd mehrtheils vom Leib die
Bette/ Decken/ Bindel vnd Seylachen vnter vnd ab inen weg-
gerissen/ tödlich erschreckt/ zu boden hin vnd her gestossen/ vber-
rennt/ semmerlich verwund vnd beschediget/ braun vnd blau/
krumb vnd lahm/ Ja wol etliche gar zu tode geschlagen/ ge-
schossen vnd verbrandt/ auch mit gewalt vnd öffentlich ge-
schendet vnd genohet/ wengt/ inen alle das irige/ Pferde/ Füllen/
Farren/ Kühe/ Reiber/ Schwein/ Ferklein/ Schaffe/ Lemmer/
alles viel Hundert/ Ja etliche tausent/ auch Kleider/ Gewandt/
Wettewerk/ Geld/ Geschmuck/ Silbergeschirr/ Worracht/ ol-
len Haußraht/ Ja alles was beweglich vnd forzubringen ge-
wesen/ mit grausamb vnchristlich vnmenschlicher gewalt/ ge-
schrey/ fluchen/ schwoeren/ Gotteslesteren/ vnd aller Barbari-
scher vngestümme abgenommen/ gestolen/ geraubet/ wegge-
trieben/ getragen geschleiffet/ geführt vnd aufgeplündert/ das
kleine feder Viehe/ als Hänner/ Gense/ Endten/ etc. viel tausent
vnd fast vnzelbarlich/ erwürgt/ erschossen/ erschlagen/ wegge-
nommen/

nommen / alles so se oberzelter massen gewaltthätig geraubet /
vor vnd nach mit sonderbahren Triumph in die Stadt / vnd
vor dem Marstall gebracht / vnd alda mit frolocken ewer der
ganzen Gemeine / vnd alles ewers anhangs / vnchristlich / vn-
barmhertzig / Landfriedbrüchiger weise / getheilet vnd außge-
breuet / alles vbriges nieder gerissen / zerschlagen / zerhawen / zer-
hackt / deuestirt, verheeret / verwüestet vnd ganz zu nichte ge-
macht / die Kirchen / Priesterliche Kleidung / die Altar / auch
den armen oder Gotteskasten Sacriligischer weise veruueh-
ret / beraubet / umbgerissen / die Mühlen / Schmidten / Backö-
fen / Bratpfannen zerhawen / zerbrochen / vernichtet / weg-
genommen / Pflug / Egen / Sensen / alle andere heusliche vnd
bau Instrumenta / auch Wägen / Kerche / Siegel / Reume / Kopf-
zeuge / vnd anders so zum Ackerbau vnd erhaltung Menschli-
ches lebens nothwendig / (welche stücke vnd mehrertheils ober-
zelter grewliche Thaten / auch in offenbahren Vhedem vnd bey
allen anderen Kriegskenten / da noch ein tropffen Christlichen
geblichs vnd ehrlichen gemüthes juen vermischen / vnangetaß
vnd vnbeschädiget bleiben sollen) gebraucht werden muß / aus
lauter m muhtwillen zerschlagen / zertrümmert / verhudelt / ver-
nichtet vnd weggenommen / die offene freye Heerstrassen ver-
graben / die Thennne durchstochen / die Schlege in stücke zer-
hawen / die Reume verbrannt vnd zerzerret / die Pollstole vnd
andere Zeichen / auch ewers Landtsfürsten vnd andere Fürstli-
che Wapen vnd Nahmen / ehrenvergessenet weise verspottet /
außgetraget / umbgeschorren / niedergerissen / Mast / Junge vnd
andere fruchtbahre Bäume in Holze vnd Berten umbgeha-
wen / mit gewalde außgerissen / die liebe Frucht im Felde mit
rennen / lauffen / fahren vnd reiten / vorsetzlich zerschleiffet / in
grund getreten vnd vnächtlich gemacht / In summa / alles was
fr in: vnd aus den Heusern gefunden / vnd mit euch oder weg-
bringen

bringen können / dem abschewligsten vnd argsten nach ganz
vnd gar vernichtet / allen Haußgeraht / Kisten / Kasten / Stöcke /
Sponden / Bettladen / Schrencke / Scheppe / Dische / Bencke /
Stüel / Sessel / Truhen / Behalter / alle Bier / Wein / Essig /
gebrante Weinsfaß / alle Gleser / auch Zinnen / Eiser / Kämpfe-
ren vnd irdene Geschir / Alles vnd jedes was beweglich oder
unbeweglich gewesen / zerschlagen / zerschmissen / zerschmettert /
zertreten / verworffen / zerträmert / städliche grosse menge Korn /
Wehl / Malz / Brod / Teig / Milch / Honig vnd dergleichen vi-
tualien / Auch Bier / Wein / Essig / gebrante Wein vnd Was-
ser auff die Erden in die Strassen vnter das Rohr geschüttet /
gegossen vnd gestrewet / darin vnd darauß biswellen bis an die
Knye / ganz sawischer vnd vnflätiger weise vmbgelauffen / al-
les vollens zertredten vnd verderbet / auch das abschewlich zu
hören / vnd fast bis auff diese letzte Tage vnerhöret / also ganz
vnmenschlich vnd vnerbar in vnd vnter solche hochnothdürff-
tige gaden Gottes / des lieben Brods vnd Biers / auch anderern
Kost vnd Tranc / *salua reverentia* / ewren vnraht vnd Leibes
vneinigkeit / aus lautern verstocktem / vnmenschlichen / vnd
mehr dann Viehischem muhtwillen vnd vnverschempfer / auch
der Natur selbstem widerwertigen dissolution / vnd vermesse-
ner freyleffigkeit / zu vielen mahlen aufgeleeret vnd eingemi-
schet / In summa / was man vnehrlich / vnerbar / tyrannisch /
ergerlich / schrecklich / abschewlich / schadhafft / spöttisch / höhnisch /
zum vntergang / verderben vnd aufzilgen / zu trus vnd leide / sa
aller Menschlicher vernunft vnd der Natur zuwieder / erfin-
den / erdencken / vnd ins werck richten mögen / nichts nicht ver-
gessen oder vnterlassen / sondern alles hauffenweis / vnd je einer
dem andern zu trus (darunter aber insonderheit ir die Bürger
von Braunschweig viel mehr grewlicher / bluedürstiger vnd vn-
menschlicher / dann die von euch zu solchen vnthaten ausdrück-
lich

B

lich

Nach gedungete Reuber / vnd vermetate Kriegs Leute auch erzetz-
get / Darinnen gleichsam ein Ehr vnd ruhm gesucht / vnd je einer
dem andern mit erschrecklichen grausamen vntthaten zu uber-
treffen / sich beflissen) ja dermassen boßhafft / bludidürstig vnd
Landt verderbisch ins werck gerichtet / dz dergleichen weder von
Thuren noch Heyden / viel weniger in diesem vnserm Vater-
lande mit Augen gesehen / oder Ohren nicht gehört worden /
auch also alles schriftlich zubegreiffen vnmöglich.

Wanñ danñ solches alles vnd jedes insonderheit
den H. zehen Geboten Gottes / aller Christlicher Lehr / Geist :
vnd Weltlichen Rechten vnsern vnd des H. Reichs Ordnung
vnd Abschieden außdrücklich verboten / darzu nicht allein all-
ehrbar vnd billigkeit / sondern auch der Menschlichen vernunft
vnd der natur zu wieder / also an sich selbst böß / lasterhafft /
offentlich ergerlich / abscheu vnd hochstrefflich sey / auch dar-
durch allen benachbarten vnd dem ganzen lieben Vaterland /
vmb desweges seiner grossen barbarischer vmbstende nach / in
dem ganzen heiligen Römischen Reich / teutscher Nation / auch
anrcinenden Königreich / Fürstenthumb vnd Landtschafften /
bey menniglich / alten vnd jungen / hohen vnd niedrigen stan-
des erschollen / fundt vnd ruchtbar / ein grosser trus / hoehger-
liches Exempel erwiesen vnd gegeben / ja Gott der HERR im
hohen Himmel / vnd gleichsam alle die Elementa / vnd krefft
der Erden vnd des Luftts / so solche vnmenschliche Thaten an-
gesehen vnd berüret haben / dadurch höchlich erzürnet vnd ge-
schmehet worden / also mit keiner Farbe / noch einziger Mensch-
licher vernunft oder spissfändigkeit nicht entschuldiget noch
dementelt werden möge / auch damit vnd dadurch sie Klägere
zum höchsten beleidiget vnd beschediget / ja irer viel ganz vnd
gar verberbet / von iren heußlichen Ehren vnd wesen verlossen /
vnd verjagt / in eufferste Armut / vnd an Bettelstab gebracht /
die

die sich dann so gros empfangenes schaden keines weges wie-
derumb erholen/ergehen/ vnd des bitteren hungers vnd elendes
weiter nicht erwehren können/ sondern in solchen irem höchstem
sammer stetigs verharren/ vnd endlich gar darin zu verstickten
vnd ersticken/ in sorgen stehen/ also die eusserste gefahr/ vnd so
grosse vnaussprechliche noht/ welche brechen dem an inen hie-
bevor verübten vn menschlichen muhtwillen/ nicht allein den
gerechten zorn vnd eiffer Gottes/ zu gemeiner straffe erwecken/
sondern auch die Elementa selbst/ vnd die harte Stein erwei-
chen möchten/ handgreifflich vnd augenscheinlich am Tage/
Über dz auch die arme beschädigte vnschuldige Leute noch auff
diese stunde/ für euch den ergrimmeten vn menschlichen Bekla-
gen nicht gefreyet noch gesichert/ sondern deroselben fernere aus-
vnd überfall sich stündliches besorgen vnd erwarten müssen/
auch solche ire furcht nicht allein aus vorverübten ewren bar-
barischen vntthaten/ vnd folgenden vielen bedrawung vnd bes-
sürzung/ sondern auch dannenhero gestorvt vnd erweckt wär-
de/ Das/ ob wol mehrermelter ewer vnd irer Herr vnd Lan-
desfürst S. L. zu Kof vnd Hues/ zu irer beschützung hiebevor
beyhanden gehabtes außersenes/ geübtes/ tapfferes/ wolver-
suchte Kriegsvolk vns zu vnterthenigsten ehren/ zu schutz vnd
schirm gemeiner Christenheit/ wegen vorstehender noht/ will-
fertig gegen den Erbfeind dem Türcken valangst in Ungern
geschickt/ vnd also ir die beklagte Stadt Braunschweig aller-
forsche des oberfalls oder theiltlichen vergewaltigung/ genzlich
befreyet/ dennoch ir ewer außerdicklich zur offension, (wie sol-
ches dann ewre bestattung klerlich außweisen) bestalte Frey-
deuter/ Hanenfedern/ vnd vermeinte Kriegsleute nicht aller-
dings abgeschafft/ auch die senigen/ denen ir gedrungener weise
abdanken müssen/ mit starkem wartgelt/ auff alles ewer bes-
geren vnd ersuchen obligirt, bereit vnd fertig behalten/ Wie

ir auch seithero zu vnterschiedlichen mahlen auff's newe mit
Wolck vnd Mannschafft euch gefast gemacht / vielmehr vnd
öffentlicher dann niehe beschehen / zu tropen vnd brewen ange-
fangen / auch so wol schriftlich als mündlich / das ir es hin-
faro noch erger als vorhin niemals beschehen / machen wollen /
euch hin vnd wieder öffentlich verlauten lassen / vnd aller maf-
sen eine ernewerte feindseligkeit zuerkennen geben / Danneu-
hero dann die benachbarten / so gleichmässige ewre heimbliche
Practiken hiebevorn in acht genommen / auch was ir damit vñ
dadurch gesucht / leider mit höchstem irem schaden vnschädlig
innen worden / also lange inen solche hochbeschweruñ nicht
benommen würdet / mit ruhe oder rast / neben euch niehe schlaf-
fen / essen oder trincken / noch arbeiten mögen / sondern stettiges
gleichsam auff der flucht sthen müssen / vnd ire Geraste / Wege
vnd Stege / Feldt vnd Ackerbau sicher niehe brauchen vnd bau-
wen dürfen / Vnd dann oberzettes alles vnd jedes gang vnd
gar Landtkändig / auch bey mensiglich außser zweiffel / sondern
der rechte grundt der warheit / das ir alle vnd jede obermelte be-
klagte semplich vnd jeder insonderheit / durch diese allein sum-
marischer weise erzehlet vnzalbare vnmenschliche Landtsfried-
brüchige Laster vnd Mißthaten / in vnser höchste vngnade /
darzu vnser vnd des heiligen Reichs Recht / auch Peen der
Rechten opere ipso gefallen / vnd darcin / auch zu erstattung
alles schadens / durch Richterliches Ampt zuerkennen / zu-
erkleren / vud zu denunciren / verährtes vnser Keyserlichen
Cammer gericht's Iurisdiction nicht allein / nach aht vnd
Natur dieser Klage / sondern auch dannenhero gnugsam
fundiert sey / das ir die beklagte ewrer ordenelichen Obrigkeit /
ermeltem Herzogen zu Braunschweigk euch rebellischer weise
widersetzen / vnd S. L. Gebot gang vnghehorsamb vnd wieder-
rechtlich in Windt schlagen.

Dem

Demnach zu rechtfertigung aller oberzelter that/
gewalt vnd mißhandlung / denselben auff mittel vnd
wege im rechten vnser vnd des heiligen Reichs Ord-
nung fürsich zu begegner / auch wider erlangung ob-
lauts inen allenthalben zugesügten Schadens / Inglei-
chen ferner besorgte vnd theils anbedraute gefahr ab-
zuwenden / vmb diese vnser Keiserliche Mandat vnd
Bading wieder euch zuertheilen / vntertheniglich an-
rufen vnd bitten lassen / Inmassen dieweil wir men-
niglichen bey recht / ruhe / friedleben vnser vnd des hei-
ligen Reichs schutz vnd sicherheit zuerhalten / zube-
schirmen vnd handzuhaben / weniger nicht geneigt als
schuldig / erlangt / das gebetene Proceß an heute dato
nachfolgender gestalt erkand worden seind. Hierumb
so gebieten wir euch von Röm : Keis : macht / auch bey
Peen 25. Mark löthiges Soldes / halb in vnser Keis :
Gammer / vnd zum andern halben theil inen Klegern
vnnachlässig zu bezalen / hiemit ernstlich vnd wollen /
das jr den neyken nach oberantwortung oder verkän-
digung dieses Brieffes ohne ferner verzug alle oblauts
erzehlte inen Supplicanten beschehene abname / auch
sonsten allen andern an ehr / leib / beweg vnd vnbeweg-
chen Gütern / verursachten vnd zugesügten Schaden
nachtheil gebürlichen erstadtet / restituirt vnd gut ma-
chet / daß auch bey peen vnser des H. Reiches Landt-
friedens constitution einverleibet gegen vielgemelten
Klegern / iren zu : vnd angehörigen / auch verwanten /

B iij

euch



euch aller gewaltthätigen / verbotenen handlungen /
freywilligen / eigenwilligen / strefflichen fürnehmens
genßlichen enthaltet / euffert vñ abthut / sie außserhalb
des Rechts an irem Leib / Haab vnd Gütern feind /
lichen nicht anfechtet oder verfolget / selbst oder durch
andere in keinerley weise noch wege / sondern da ihr
spruch vnd forderung gegen jemandts zu haben ver-
meint / solchs vermittelst ordentlichen Rechten suchet /
desselben euch gebrauchet / vñ dessen auftrag begnüs-
gen vnd gesettigen / also menniglich in andere vnzim-
liche wege vnbedünmert vnd vnbelestiget / friedtlich /
sicher vnd ruhig verbleiben lasset / dem allen also vnd
weniger oder zuwieder nichts thut / als lieb euch sey
jetzt angedrewete vnterschiedliche Peen zu vermeiden /
Daran beschicht unsere ernstliche meinunge.

Wir heissen vnd laden euch von berürter vnser
Reys: macht auch hiemit / das jr auff den 16. tag Mo-
nats Augusti / nechstänffig / den wir euch vor den er-
sten / andern / dritten / letzten / vnd entlichen Nichtstag
setzen vnd benennen peremptorié oder ob derselbe nicht
ein Gerichtstag sein würde / den nechten Gerichtstag
darnach / selbst / oder durch einen vollmechtigen An-
walle an demselben vnserm Reys: Cammergericht er-
scheinet / zu sehen / vnd hören / euch vmb der geklagten
allbereit vergangenen Landfriedbrüchigen verhand-
lung willen / in die peen der Rechten / auch vnser vnd
den

des heiligen Reichs Landfriedens Constitutionen
verleibet / vnser vnd des heiligen Reichs acht / auch
zwey tausent Mark Lötiges Goldes der restitution/
reparation vnd ersattung alles zugefügten schadens/
vnd verursachten vnheils belangend / beschehen ver/
bot beschweret / demselben zugelehen / vnd schuldigen
gehorsam zuerzeigen nicht verbunden zusein vermei/
net / beständige / erhebliche einreden vnd vrsachen dar/
gegen in Recht gebürlich vorzubringen / darauff der
Sachen / vnd allein dero Berichstagen vnd Termi/
nen in allen diesen Puncten / biß nach entlichem be/
schluß vnd Urtheil aus / auch besagtes vnser Keyserli/
chen Cammergerichts fürderlich erkentnuß / vnd ent/
lichen entschieds darüber zugewarten / Wann jr kom/
met vnd erscheinet alsdann / also oder nicht / so wirdt
doch nicht desto weniger auff des gehorsamen theils /
oder seines Anwaldes anruffen vnd erfordern / hier
innen im Rechten mit gemelter erkentnuß erklerung /
vnd andern allenthalben gehandelt vnd procediret /
wie sich des / seiner ordnung nach / eigenet vnd gebü/
ret / Nach dem allen wisset euch zurichten. Geben
inn vnser vnd des heiligen Reichs Stadt Speir /
den 17. Monatstag Maij / nach Christi vnser lie/
ben H Erren Geburt im sechszenen hundert vnd drit/
ten / vnserer Reiche des Römischen im acht vnd
zwanzigsten / des Hungarischen im ein vnd dreissig/
sten /

sten/ vnd des Bohemischen auch im acht vnd zwanzigsten Jaren.

Locus
figilli.

Ad mandatum Domini
Electi Imperatoris proprium.

Schweickhart Kdgeles
Lt. Verwalter subsc.

Franciscus Emmerich Lt.
Iudicij Imperialis Camere
Protonotarius subsc.

153336

AB 153 036 (1)

Nv 29 Hs
20. 567

3

ULB Halle
002 068 966



Sky 20

V1777




Faint handwritten text, possibly a library stamp or inventory number.

Faint handwritten text, possibly a library stamp or inventory number.

15





Farbkarte #13

B.I.G.



23

tio
 Mandatum' de
 amplius non offen-
 clausula.
 ben
aelaten /
 ädte/ als sempit,
 ndtstenden / Auch
 erer beschädigten Per-
 nbs Braunschweig
 schen theils.
 ra
 rechnerische Re-
 aunschweig vnd
 ten.
 stadt/ durch Ge-
 ind 16 03.

